

Вольбы
до Народной рады Словенської республіки

Інформації про воліча

I

Датум і час волеб

Вольбы до Народной рады Словенської республіки будуть в суботу 29. 2. 2020 од 7:00 до 22:00 години.

II

Право волити

Право волити до Народной рады Словенської республіки мають обчан Словенської республіки, котрый найпізніше в день волеб досяг 18 років віку і не настав у нього конфлікт з правом волити.

Право волити є в конфлікті з законним окліцінем особной слободы на основі охрани публічного здравя.

III

Право быти воленым

За посланця Народной рады Словенської республіки може быти зволений обчан Словенської республіки, котрый найпізніше в день волеб досяг 21 років віку і живе на території Словенської республіки.

Конфліктом з правом быти воленым є:

- заарештованя,
- правоплатне одсуджіння за напланований кримінальний чін, поки одсуджіння не было заглажене,
- однятя способности робити правны діла.

IV

Способ вольбы

Воліч може волити на території Словенської республіки:

- у волебнім раєні, в списку котрого є записаний, або
- в будькотрім волебнім раєні посередництвом легітімації на голосованя.

Воліч може волити мімо території Словенської республіки посередництвом пошты, кідь:

- місце його стабільного бываня не є на території Словенської республіки і був на основі жадости записаний до спеціального списку волічів,
- місце його стабільного бываня є на території Словенської республіки а в часі волеб ся стримує мімо ей території і право волити посередництвом пошты пожадать од села/міста, в котрім стабільно бывать.

V

Легітімація на голосованя

Воліч, котрый стабільно бывать на території Словенської республіки і в день волеб не буде мочи волити в місті свого стабільного бываня у волебнім раєні, де є записаний в списку волічів, може пожадать **од села/міста свого стабільного бываня** легітімацію на голосованя. Село/місто на пожадания волічови выставить легітімацію на голосованя і вычаркне го зо списку волічів з позначков, же му выдало легітімацію на голосованя.

Легітімація на голосованя дає право на запис до списку волічів у будькотрім волебнім раєні.

Воліч може пожадать легітімацію на голосованя:

особно,

найпізніше в послідній робітний день перед вольбами (т. є. напізніше 28. 2. 2020) в урядных годинах села.

Село выдасть легітімацію на голосованя безодкладно,

у формі листины так,

жебы жадость о выданя легітімації на голосованя была доручена селу/місту найпізніше 15 робітных днів перед днём волеб (т. є. найпізніше 10. 2. 2020),

електронічно поштов (і-мейлом) так,

жебы жадость о выданя легітімації на голосованя была доручена селу/місту найпізніше 15 робітных днів перед днём волеб (т. є. найпізніше 10. 2. 2020). Село/місто про такы припады опублікує на своїм вебсайті електронічну адресу на посыланя жадостей. Кідь село/місто не має свій вебсайт, опублікує електронічну адресу на посыланя жадостей на урядній таблі села.

В жадости мусять быти уведжены такы факты о волічови:

- мено і призви́ско,
- родне чи́сло,
- штатне обчанство,
- адреса стабі́льного быва́ня (село, улі́ця, чи́сло дому),
- адреса, на котру село/місто зажене легі́тімацію на голосо́ваня.

посередництвом особы, уполномоченой жадателём

мож пожадати легі́тімацію на голосо́ваня найпі́зніше послі́дній день перед днём воле́б (т. є. найпі́зніше 28. 2. 2020)

В жадости мусять быти уведжены такы факты о волічови:

- мено і призви́ско,
- родне чи́сло,
- штатне обчанство,
- адреса стабі́льного быва́ня (село, улі́ця, чи́сло дому).

Село/місто зажене легі́тімацію на голосо́ваня волічови на адресу стабі́льного быва́ня, кідь в жадости не уведе іншу корешпонденчну адресу, найпі́зніше до трёх робі́тных днів од доручі́ня жадости. Село зажене легі́тімацію на голосо́ваня на адресу уведжену в жадости рекомандо-писмом „*До властных рук*“.

Кідь волі́ч в писомній або електроні́чній жадости уведе, же легі́тімацію на голосо́ваня перебере інша особа, мусить в жадости увести ёй мено, призви́ско і чи́сло обчанської легі́тімації. Тота особа повинна перевзя́тя легі́тімації на голосо́ваня потвердити свої́м підписом.

VI

Вольба посередництвом пошты

Волі́ч, котрый має місце стабі́льного быва́ня на тері́торії Словенської републі́кы а в часі воле́б є мі́мо ёй тері́торії

Волі́ч, котрый має місце стабі́льного быва́ня на тері́торії Словенської републі́кы а в часі воле́б є мі́мо ёй тері́торії, може пожадати село свого стабі́льного быва́ня волити посередництвом пошты, а то писомно (формов писма),

жебы жадость волити посередництвом пошты была доручена на адресу села/міста (сі́льського або мі́стьського уряду) найпі́зніше 50 днів перед днём воле́б (т. є. найпі́зніше 10. 1. 2020).

Жадость доручена по становлені́м часі є неплатна.

електроні́чно (і-мейлом) так,

жебы жадось волити посередництвом пошты была доручена на електроні́чну адресу села/міста найпі́зніше 50 днів перед днём воле́б (т. є. найпі́зніше 10. 1. 2020).

Жадость доручена по становлені́м часі є неплатна.

В жадости волити посередництвом пошты мусять быти уведжены такы факты о волічови:

- мено і призви́ско,
- родне чи́сло,
- адреса стабі́льного быва́ня,
- адреса мі́ста быва́ня в загра́нічу.

Кідь жадость обягує вшы́тко, што становлює закон, село/місто зажене найпі́зніше 35 днів перед днём воле́б волічови, котрый пожа́дав волити посереднитвом пошты, на адресу мі́ста быва́ня в загра́нічу:

- копертку з урядо́в печатков села/міста,
- листы на голосо́ваня,
- корешпонденчну копертку (означену геслом: „VOLBA POŠTOU - ELECTION BY MAIL“ з выписанов адресов села як адресата і з адресов волі́ча як одосылателя,
- поучі́ня о спосо́бі голосо́ваня.

Позад акту голосо́ваня (подля поучі́ня о спосо́бі голосо́ваня) вложы́ть волі́ч лист на голосо́ваня до копертки з урядо́в печатков села і за́ліпчы́ть ёй. За́ліплёну копертку вложы́ть до корешпонденчної копертки, котру зажене назад. Пошто́вне запла́тыть одосылатель.

До вы́слідку голосо́ваня ся зарахую́ть голосо́ы на листах голосо́ваня, котры были доручены селу стабі́льного быва́ня волі́ча найпі́зніше в послі́дній робі́тный день перед днём воле́б (т. є. найпі́зніше 28. 2. 2020).

Далшы інформаци́ї о вольбах до Народно́й рады Словенської републі́кы ся нахо́дять на вебсайті́
www.minv.sk/?volby-nrsr